

偉道人飛行峭壁仍如當日容貌髭鬚飄飄然

長乙子曰題係度汪夢九而此作乃如夢九先生小傳何也
蓋先生觀察劍南流風善政至今猶稱頌之兼以仙槎道器
忠孝兩全故祖師亟來指度以衛吾道茲作蒐軼事擷遺聞
並照其壽藏碑跋著之仍以著祖師度世之勤而代寫夢九
出處也

附夢九先生自題藏蛻居記 道人姓汪名錫齡字夢九號
圓通江南徽州府歙縣水界山人僑寓揚州府江都縣歷官
別駕州牧戶工二部任四川劍南觀察受修養祕法於張三
丰先生之門愛凌雲山水清幽自營葬地於就日峯內穴得

道藏輯要

三丰全集 顯蹟

聖

續畢集七

八十一

雲中仙座之形扞已山亥向爲將來藏骨之所留題七律一
詩錄之於後自扞吉穴埋仙骨水繞山環倍有情就日清泉
垂德澤丹霞靜室守佳城道人久脫塵凡累孝子無勞風木
驚莫說老夫原未死何妨標掛見分明雍正元年歲次癸卯
四月初三日圓通道人建櫟自記

秦安溷跡

秦安縣有張蓬頭白云中州人又稱天外人頂挽單髻冬夏著
一破衲游行市上狀類瘋癲好事者畀以酒食不問精麤多寡
噉輒盡初未見其醉飽也時或數日或數十日不飲食亦無飢
渴態晚宿寺觀平地上恆經旬不起羣以爲死足蹴之乃欠伸

張目曰寐未熟何溷而公爲也縣人蔡生有別墅在城西石佛寺花木明秀廊檻迴環欲奉之往蓬頭殊不辭生恆喜交游以墅爲外宅日與品竹彈絲者相爲徵逐蓬頭了不爲意日方落卽僵臥如尸終夜不聞息聲偶叩其術曰聖經次節乃儒釋道三教入門初基由定而至得其途乃分踏實一切者孔門也空諸一切者牟尼也超乎一切者太上也君稱茂才當自領之耳生妻最悍妒詬罵翁姑生畏之如虎探知生與道者並諸交在別墅爲戲怒甚卽往斥逐生思以告蓬頭曰無傷俟其來我自當之比至見蓬頭當門坐怒聲雷動肆口傑傲直前以左右手力批兩頰蓬頭怡然不動妻覺兩手痛不可忍急歸而十指腫

道藏輯要

三丰全集 顯蹟

醫

續畢集七
卷之七

若懸槌已發疔毒嚎呼半夜天曉死矣迨乾隆四十九年四月蓬頭忽勸蔡歸家蔡心迷游戲難之強而後可至正月望逆狗馬心明攜其黨自伏羌竄歸石峯堡道經石佛寺蹂躪殆盡而蔡獨免後有陳野仙者亦來游秦安野仙平涼人冠服作道裝而飲酒食肉起居作息如常人結廬龍門山危峯峭壁殆飛鳥所不能到不知何以上下也其踪跡頗不遠人欲覓之峯下呼陳翁卽至或叩以休咎不答但云由他由他又嘗與鄉人移石上崖又嘗與友人噴水滅火一切靈異未可俱述茲聞野仙來游蔡卽延至其家令與蓬頭相見而野仙若甚自慚者留三日野仙辭去蔡因問蓬頭野仙何如曰修仙有二其上乘自靜功

入門首戒妄念次學胎息再演降龍伏虎之法此皆易事惟金丹難煉耳丹成便可飛昇來往自如矣今野仙乃符籙一派靜則雲霞動則霹靂然必傳授正蘊秘深真師來度亦成南宮列仙否則五百年後難免雷劫矣幸野仙存心仁厚每以其法救人困苦雖係別道吾將以大道傳之居無何蓬頭亦飄然去野仙貌肥黑禮儀甚恭蓬頭面奇古而神極清去來倏忽如游龍然

虛舟子曰海亭言張道人每嘗往來城市佯狂散髮自稱蓬頭神也哉真人之佳世也不示異不見爲仙徒示異又恐似野仙夫惟掃除旁門獨標正道而以誅悍婦救蔡家畧露其道藏軒要

三非全集

顯蹟

畧

續畢集七

以道兼法之妙則真人之神通大矣可惜蔡生不悟